

瓊州府志卷之四十二

雜志 一事紀

漢

己巳武帝元鼎五年夏四月南越王相呂嘉反秋

遣伏波將軍路博德出桂陽下湟水樓船將

軍楊僕出豫章下滇水咸會番禺六年十月

遂定越地以為南海蒼梧鬱林合浦交阯九

真日南珠崖儋耳郡漢書武帝紀 武

辛未元封元年立儋耳珠崖郡在南方海中洲居

廣袤可千里合十六縣戶二萬三千餘漢書賈捐

傳之

瓊州府志

卷四十二

雜志 事紀

一

壬辰征和四年交阯蠻叛殺珠崖太守孫幸幸子

豹討平之黃通志遣使封還印綬上書言狀制

詔即以為珠崖太守後漢書南蠻傳

己亥昭帝始元五年夏六月罷儋耳郡并屬珠崖

黃通志

己巳宣帝甘露二年珠崖郡反夏四月遣護軍都

尉張祿將兵擊之 漢書珠崖自初為郡吏

卒皆中國人多侵陵之民亦自以阻絕數犯

吏禁率數年一反殺吏漢輒發兵擊定之至

始元初二十餘年凡六反神雀三年珠崖三

縣反至是九縣皆反同上

戊甲

元帝初元二年珠崖山南縣反發兵擊之諸縣更判連年不定上博謀羣臣待詔賈捐之以爲不當擊對言聖人起則後服中國衰則先畔本不足郡縣置也棄之不足惜不擊不損威臣愚以爲非冠帶之國禹貢所及春秋所治皆可且無以爲願遂棄珠崖對奏上以問丞相于定國以爲捐之議是上迺從之

阮通志

乙亥

三年春詔棄珠崖郡詔曰珠崖虜殺吏民背畔爲逆今廷議者或言可擊或言可守或欲棄之其指各殊朕日夜維思議者之言羞威

瓊州府志

卷四十二

雜志 事紀

一一

不行則欲誅之狐疑避難則守屯田通乎時變則憂萬民夫萬民之饑餓與遠蠻之不討危孰大焉且宗廟之祭凶年不備况乎辟不嫌之辱哉今關東大困倉庫空虛無以相贍又以動兵非特勞民凶年隨之其罷珠崖郡民有慕義欲內屬便處之不欲勿彊

黃通志

癸卯

光武帝建武十九年復立珠崖縣屬合浦郡

郝通志

甲戌

明帝永平十七年二月西南夷哀牢儋耳諸種前後慕義貢獻

後漢帝紀書

以僮尹爲儋耳太守

十八年以儋耳太守僮尹爲交阯刺史

郝通志

黃通志

三國吳

赤烏五年七月遣將軍聶友校尉陸凱以兵

三萬討珠崖儋耳阮通志除友珠崖太守凱儋

耳太守斬獲有功夫遷為丹陽太守凱遷為

建武校尉黃通志

晉

武帝太康二年省珠崖郡入合浦郡郝通志

宋

文帝元嘉八年春正月復立珠崖郡屬交州

郝通志

瓊州府志

卷四十二

雜志 事紀

三

梁

武帝大同中就廢儋耳地立崖州郝通志

陳

宣帝大建四年遷南康王子方泰使持節都

督廣衡交越成定明新合羅德宜黃利安建

石崖十九州諸軍事阮通志

隋

煬帝大業六年冬十二月珠崖人王萬昌舉

兵作亂遣隴西太守韓洪討平之萬昌弟仲

通復叛又詔洪討平之黃通志

七年徙嗣滕王綸於珠崖同上

丁丑 十三年漢陽太守馮盎以蒼梧高涼珠崖番禺地附於林士宏阮志通

唐

壬午 高祖武德五年行軍總管李靖度嶺至桂州

遣人分道招撫其大首領隋漢陽太守馮盎

以南越之地來降析其地為高羅春白崖儋

林振八州阮志通

辛卯 太宗貞觀五年置瓊州郝志通

丙午 二十年春三月貶太子校書王義方為儋州

吉安丞黃志通

乙丑 高宗麟德二年八月侍中潁川縣公韓瑗左

瓊州府志

卷四十二

雜志 事紀

四

授振州刺史坐諫立武昭儀為后救褚遂良

之貶也阮志通

丁卯 乾封二年嶺南洞獠陷瓊州阮志通

乙酉 武氏光宅二年流鳳閣侍郎胡元範於瓊州

流夏州都督王方翼於崖州黃志通

庚寅 天授元年春正月流同平章事韋方質於儋

州時武承嗣三思用事宰相皆下之方質有

疾承嗣三思往問之方質據床不為禮或諫

之方質曰死生有命安能曲事近戚以求苟

免乎尋為周興所搆流儋州黃志通

癸巳 長壽三年夏六月嶺南採訪使宋慶禮諭崖

州五州蠻皆降 時崖振五州首領更相侵掠民苦於兵前使者輒苦炎瘴莫敢往慶禮入境諭以大義皆釋仇相親志郝通

午丙 中宗神龍二年秋八月長流敬暉於瓊州

武三思復用事使鄭愔告敬暉等與王同皎通謀貶暉崖州司馬三思請族誅之上可其奏大理丞李朝隱奏稱暉等未可遽就誅夷乃長流暉於瓊州志黃通

午壬 元宗天寶元年春正月置嶺南五府經畧使

治廣州經畧在城內清海在恩州又置桂管治始安容管治普寧安南都護府治交州唐舊

瓊州府志

卷四十一

雜志 事紀

五

屬書崖瓊振儋萬安 邕管治即寧四經畧使與經

畧清海曰嶺南五管志郝通

申丙 肅宗至德元載春正月陞嶺南五府經畧使為節度使領廣韶循潮康瀧端新封春勤羅潘高恩雷崖瓊振儋萬安藤二十三州治廣

州志郝通

巳己 德宗貞元五年十月嶺南節度使李復克瓊州李復收復表瓊州本隸廣府管內乾封中山洞草賊反都督李逸控馭失所遂致淪陷已經一百餘年臣差判官監察御史姜孟京崖州刺史張少逸作黃志遷等悉力致討累經苦戰方克舊城

便令降人開翦荆棘建立城柵屯集官軍臣竊
觀瓊州控壓賊洞若移鎮軍在此必冀永絕姦
謀伏望升爲下都督府仍加瓊崖振儋萬安等
五州招討遊奕使其崖州使額請停從之阮通
西乙 順宗永貞元年貶韋執誼爲崖州司戶 初執
誼常忌諱不欲人言嶺南州縣召爲郎官時嘗
詣職方觀圖每至嶺南遽令去之及拜相還所
坐堂見北壁有圖不就省七八日試觀之崖州
圖也以爲不祥甚惡之及坐王叔文之貶果往
崖州卒於貶所黃通

亥丁 憲宗元和二年四月黃志五月元嶺南節度使趙

瓊州府志

卷四十二

雜志 事紀

六

昌進瓊管儋振萬安五州黃志作 六十二洞歸

降圖阮通志引唐

己亥 十四年冬十月以楊清爲瓊州刺史容管奏安

南賊楊清陷都護府殺都護李古及妻子官屬

部曲千餘人黃通

庚子 十五年春正月貶皇甫鏄爲崖州司戶市井皆

相賀是年十月嶺南奏鏄死黃通

辛丑 穆宗長慶元年封憲宗第二十五子悅爲瓊王

阮通志
封建表

癸卯 三年正月嗣郢王佐宜於崖州安置坐妄傳禁

中語也阮通志

甲辰 四年冬十月以崖州安置人嗣郢王佐爲穎王府長史分司東都仍賜金紫黃通志

戊辰 宣宗大中二年冬貶李德裕爲崖州司戶舊唐書本傳

甲申 懿宗咸通五年命辛傅李趙四將部兵擒黎洞蔣璘省於瓊山南境置忠州卽今定安西南鎮

洞中阮通志

戊子 九年秋八月貶比部郎中楊知至爲瓊州司馬

黃通志

癸巳 十四年夏五月貶左金吾衛大將軍李敬伸爲儋州司戶冬十月貶韋保衡爲崖州澄邁令

瓊州府志

卷四十二

雜志 事紀

七

甲寅 昭宗乾寧元年冬十月貶水部郎中劉宗魯爲

崖州司戶俱同上

己未 光化二年封昭宗子祥爲瓊王阮通志 封建表

五代漢

丁巳 中宗乾和十五年廢儋州之富羅縣萬安州之

富雲博遼二縣阮通志

癸亥 劉鋹大寶六年是時賦斂煩重瓊人米斗稅五

錢同上

宋

壬申 太祖開寶五年廢崖州以其地并屬瓊州而改

振州爲崖州郝通志

寅戊 太宗太平興國三年正月知廣州李符獻海外諸域圖阮志通

李崇矩為瓊崖儋萬四州都巡檢使時黎賊擾動崇矩悉抵其洞穴撫慰眾皆懷附宋史本傳

午壬 七年夏四月流兵部尚書盧多遜於崖州黃志通

秋八月瓊州颶風壞城門州署民舍殆盡同上

巳癸 淳化四年十一月萬安州獻六眸龜阮志通

卯癸 眞宗咸平六年五月知廣州凌策上海外諸番

地理圖同上

戌壬 仁宗乾興元年秋七月貶丁謂為崖州司戶參

軍黃志通

瓊州府志

卷四十二

雜志 事紀

八

卯丁 天聖五年三月罷瓊州貢瑋瑁鼈皮紫貝阮志通

慶歷中區希範寇瓊州廣西轉運使杜杞以計攻

破之遂復瓊州因伏兵擒諸蠻寇六百餘人尋

得希範醢之海南平金志通

辰壬 皇祐四年樞密副使王堯臣請析廣西宜容邕

州為三路以融柳象隸宜州白高寶雷化鬱林

義藤梧龔瓊隸容州欽賓廉橫潯貴隸邕州阮志通

志

辰丙 神宗熙寧九年七月珠崖軍黎賊黃嬰寇詔廣

南西路嚴兵備之同上

未己 元豐二年七月瓊州甘露降黃志通

戊壬 五年八月珠崖軍颶風毀廬舍宋史 五

封宗室趙仲儻為瓊王阮通志

辰戊 哲宗元祐三年正月詔廣南西路珠崖軍開示

恩信許生黎悔過自新阮通志

丑丁 紹聖四年二月甲辰蘇軾責授瓊州別駕移昌

化軍安置宋史 哲

四月追貶王珪為萬安軍司戶參軍上同

亥丁 徽宗大觀元年十月辛未置鎮州為靖海軍節

度宋史 徽

卯辛 政和元年十二月辛亥廢鎮州升瓊州為靖海

軍上同

瓊州府志

卷四十二

雜志 事紀

九

午丙 欽宗 靖康元年七月竄蔡京於儋州移蔡攸萬

安軍黃通志

申戊 高宗建炎二年十一月李綱責授單州團練副

使萬安軍安置宋史 高

子壬 紹興二年知瓊州黃揆言今中外姦民以罪抵

死而獲貸者必盡投之海外以為兵是聚千百

虎狼而共置之一邱也一旦稔惡積釁潰裂四

出臣恐偏州之民項背不能帖席而臥也請自

今凡兇惡貸死而隸於流籍者許分之沿江諸

屯及他遠惡之地無專指海外以為兇藪庶幾

陰消潛制不至流毒偏方從之阮通志

西辛 十一年冬李光責授建寧軍節度副使瓊州安置宋史本傳

子甲 十四年九月壬申趙鼎移吉陽軍安置高宗紀

卯丁 十七年十一月己亥胡銓移吉陽軍編管

午庚 二十年二月壬子罷經界所覆實官庚申免海

外四州經界俱同上

辰庚 三十年十二月戊申海南黎賊王文滿平 初

王文滿結西崙黎岐攻破定南寨復犯省地廣

西運判鄧酢上言討平之蕭志

冬十一月編管王權於瓊州黃通志

戌丙 孝宗乾道二年詔海南諸郡守倅慰撫黎人蕭志

瓊州府志

卷四十二

雜志 事紀

十

寅庚 六年黎人王用休反權萬安軍事同主管本路

巡檢孫滋招降之同上

卯辛 七年閩人有浮海之吉陽軍者風泊其舟抵占

城其國方與古臘戰皆乘大象勝負不能決閩

人教其王當習騎射以勝之王大悅具舟送之

吉陽市得馬數十匹戰大捷明年復來瓊州拒

之憤怒大掠而歸阮通志

巳癸 九年秋八月樂會黎賊作亂黎酋王日存王永

福陳顏等招降之舊志黎撫

午甲 淳熙元年冬十月五指山生黎崙首王仲期率

其傍十崙丁口千八百二十歸化仲期與諸崙

首王仲文等八十二人詣瓊管司受之以例詣
顯應廟斫石歃血約誓改過不復鈔掠犒賜遣
歸瓊守圖其形狀衣製上經畧司阮通志

乙未 二年萬安軍黎賊作亂經畧司選靈川令黃疇
若籌畫招撫事宜賈志

萬安軍崙黎王集結三崙叛知軍趙絳乞師平之
丁西 四年冬萬安軍黎賊王利學爲亂省帥蓋文進
戰死知軍湯鸞討平之俱同上

辛丑 八年六月詔以三十六崙都統領王氏女襲封
宜人宋史崙黎

乙巳 十二年正月樂會縣白沙崙黎人王邦佐等爲

瓊州府志

卷四十二

雜志 事紀

十一

寇保義郎陳升之撫降其衆

己西 十六年詔以火寧砦人黃弼補承信郎彈壓本
界黎崙俱同上

知吉陽軍周鄴遣熟黎入崙諭招撫得生黎五十

餘崙阮通志續

庚申 寧宗慶元六年瓊州訛言妖星流墮民郭七家

聲如雷通判曾丰暨瓊山縣令移文驚擾後皆
坐黜阮通志

辛酉 七年八月瓊郡各州縣颶風毀城門公署民舍

殆盡蕭志

甲子 嘉泰四年正月瓊州西浮 逃軍作亂寇掠文

昌縣遣兵討平之阮通

西癸 嘉定六年冬十二月蠲瓊州丁鹽錢黃通

子丙 九年詔以宜人王氏女吳氏襲封統領三十六

崙宋史

崔與之為廣西提點刑獄浮海巡珠崖秋毫無擾

州縣停車裁決獎廉劾貪風采凜然瓊之人敘

其事為海上澄清錄阮通

卯辛 理宗紹定四年瓊山黎賊王居起僭號南王復

大入寇蕭志

午甲 端平元年黎寇侵陷臨高澄邁占據昌江知萬

安軍劉椿率兵深入不一月平之時買扶諸崙

瓊州府志

卷四十二

雜志 事紀

十一

黎人梗化數百年至是服椿之德威皆相率至

瓊州納款入貢黃通

卯丁 度宗咸淳三年海賊陳公發陳明甫等劫掠各

州縣竊據崖州臨川鎮同上

寅戊 衛王祥興元年七月趙與珞與謝明謝富守瓊

州元將阿爾哈雅遣馬成旺招之與珞率兵拒

於白沙口阮通

十一月瓊州民執安撫使趙與珞及冉安國黃之

傑謝明謝富降於元謾罵不屈元將怒皆裂殺

之阮通

元

卯己 世祖至元十六年五月潭州行省上言瓊州宣

慰馬旺已招降海外四州尋有土寇黃威遠等

四人為亂今已擒獲詔置之極刑元史世祖紀

朱國寶為海南四州宣慰使更弊政訓兵息民臨

高黎人李實為亂討平之黎人降者三千戶蠻

洞降者三十所阮通志

亥丁 二十四年八月湖廣省臣言海南瓊州路安撫

使陳仲達南寧軍總管謝有奎延攔總管符庇

成以其師船百二十艘黎兵千七百人助征交

趾詔仲達仍為安撫使佩虎符有奎庇成亦仍

為沿海管佩金符世祖紀

瓊州府志

卷四十二

雜志 事紀

十三

子戊 二十五濶里吉思討海南生黎諸洞寨明年平

之阮通志

卯辛 二十八年五月以廉希恕為湖廣等處行省右

丞行海北海南道宣慰使都元帥瓊州安撫使

陳仲達海北海南道宣慰使都元帥佩虎符將

二千二百人以征黎蠻僚屬皆從仲達辟置世祖

紀

辰壬 二十九年六月勅以海南四州峒寨五百一十

九民二萬餘戶置會同定安二縣隸瓊州免其

田租二年同上

申丙 成宗元貞二年六月海南民饑發粟賑之成宗紀

九月詔以兩廣海外四州城池戍兵歲一更代往來勞苦給俸錢選良醫往治其疾病者命三二年一更代之元史兵志

戊戌大德二年五月罷海南黎兵萬戶府及黎蠻屯

田萬戶府以其事入瓊州路軍民安撫司成宗紀

乙巳九年六月以瓊州屢經叛寇給糧一月同上

丙午十年十二月臨高縣那蓬洞主王文何玉應嘉

等作亂安撫使奧里天祥討平之蕭志

壬子仁宗皇慶元年九月瓊州黎賊嘯聚遣官招諭

仁宗紀

辛酉英宗至治元年四月吉陽黎蠻寇寧遠縣英宗紀

瓊州府志

卷四十一

雜志 事紀

十四

五月遷武宗子圖卜特穆爾於瓊州通鑑輯覽

甲子泰定元年正月召親王圖卜特穆爾於瓊州泰定

帝紀

乙丑二年八月南恩州瓊州饑賑糧一月九月瓊州

南安德慶諸路饑賑糧鈔有差同上

戊辰致和元年王仕熙流吉陽軍邱世傑流萬安軍

阮通志 宦謫

文宗天歷元年十一月帝謂中書省臣曰朕在瓊

州建康時撒迪皆從備極艱苦其賜鹽引六萬

俾規利以贍其家文宗紀

己巳二年三月改潛邸所幸瓊州曰乾寧八月流諸

王忽刺出海南十月改瓊州軍民安撫司爲乾
寧軍民安撫司升定安縣爲南建州隸海北元
帥府以南建洞主王官知州事佩金符領軍民

同上

生黎王高等二十餘崙皆願輸貢阮通志

庚午至順元年正月賜海南大龍興普明寺鈔萬錠

市永業地文宗紀

黎賊王官福寇乾寧阮通志

辛未二年黎賊作亂詔江西湖廣兩省合兵討之九

月海南賊王周糾率十九崙黎蠻二萬餘人作
亂命調廣東福建兵隸湖廣行省左丞移刺四

瓊州府志

卷四十二

雜志 事紀

十五

奴統領討捕之十一月隆祥司使晃忽兒不花
言海南所建大龍興普明寺工費浩穰黎人不
勝其擾以故爲亂詔湖廣行省臣珙珞不花及

宣慰宣撫二司領其役仍命廉訪司泣之文宗紀

甲戌順帝元統二年十月改乾寧軍民安撫司曰乾

寧安撫司順帝紀

置黎兵萬戶府南寧軍招降江花落基諸崙首符
富等一百九十名詔行參知政事完澤會諸道

兵追討瓊州叛黎阮通志

辛巳至正元年詔封毘耶山神爲顯應侯高臨志

癸未三年萬安軍土賊吳與期糾衆作亂海南道宣

慰司同知王英討擒之蕭志

辛卯十一年臨高土人吳國寶等構亂鄉人率眾堵

捕平之

癸巳十三年文昌土賊陳子瑚等作亂陷乾寧萬安

諸州縣俱同上

戊戌十八年黎酋吉天章反奪昌化縣印自為尹賈志

辛丑二十一年知南寧軍曾悅家奴王薦觀據昌化

自為元帥

癸卯二十三年萬州土賊符奴達等為亂

乙巳二十五年海賊麥福來寇陵水

丙午二十六年五原都人張賢等斬賊首袁元貴遂

瓊州府志

卷四十二

雜志 事紀

十六

復郡城

萬州崗首王麗珠統兵擣陳子瑚賊巢平之移兵

剿土寇符奴達平之俱同上

戊申二十八年七月海南海北諸郡皆降於明順帝紀

明

戊申太祖洪武元年六月海南海北諸道降太祖紀廖

永忠為征南將軍由海道取廣東元左丞何真

奉表降馳諭九真日南珠崖儋耳三十餘城皆

納印請吏阮通志

海南分府元帥陳乾富歸附帝下詔諭之曰蓋聞

古昔哲王之治天下一視同仁無間遠近況廣

海之地自漢以來列爲郡縣習禮樂之教有華夏之風頃元政不綱羣雄並起朕舉義除暴所向廓清邇者師臨南粵爾諸州郡不煩傳檄相率來歸嚮慕之誠良可嘉尙今遣使往諭意爾其益堅乃心以寧吾民爵賞之賜當有後命黃通志

十一月耿天壁征海南克南寧儋萬等州與生黎化黎小踢洞主王官泰等戰敗之又以恩信招諭各賊使降於是海南悉平同上

升瓊州爲府屬廣東郝通志繕廣東邊海城堡華高

自請行事竣至瓊州卒阮通志

瓊州府志

卷四十二

雜志 事紀

十七

庚戌三年秋八月始選士廣東行省參政周禎等聘

禮名儒以典文衡得李初等十二人明年舉進者六人黃通志

萬安土賊王志宣等陷州城永嘉侯朱亮祖討平

之萬州志

乙亥二十八年崖州千家村定安光螺樵木文昌白延等處黎糾衆爲亂都指揮花茂本衛指揮石堅牛銘千戶崇實等率兵討之悉平覃志

己卯建文元年崖州黎相仇殺以反聞瓊州知府王

伯貞捕其首惡兵遂罷阮通志

辛巳三年五月錦衣衛所鎮撫陳直言廣東海南濱

巡檢多係人才不諳操戰禦賊請於軍官弟姪中不應襲替者保選從之同上

西乙 成祖永樂三年春巡按廣東監察御史汪俊民上言臣訪得宜倫縣熟黎峒首王延祐舊奉命招諭黎民信從歸化者多況其服習水土不畏疾癘臣請追還使命仍召延祐至京量授以官俾招諭未服黎人戒約諸峒無納逋逃其熟黎則令隨產納稅一切徭差悉與蠲免生黎歸化者免其差稅三年峒首則量所招民數多少授以職事如此庶幾黎民順服從之秋八月蠲免

瓊州府黎人徭稅黃通志

瓊州府志

卷四十二

雜志 事紀

十八

己丑 七年大旱八月蝗令民捕之十月萬州白氣如虹直八天河十餘夜乃散蕭志

辛卯 九年二月倭陷昌化千戶所成祖紀 千戶王佛等戰敗被殺指揮千戶徐茂等捕寇贖罪阮通志

丙申 十四年六月儋州土官同知王賢祐率生黎峒首王撤黎佛金等來貢馬賜鈔幣遣還上謂行在禮部臣曰黎人遠處海南素不霑王化今慕義來歸而朝貢頻繁殆將困乏非存撫之意自今生黎土官峒首俱三年一朝著爲令黃通志

庚子 十八年春三月蠲崖州寧遠縣租稅 山水暴泛衝決田稼漂人民壞廬舍又遣官踏視民田

有不可耕者宜改撥傍近閑田與之耕種從之
同上

癸卯 二十一年秋八月瓊州颶風暴雨海水湧溢湮
沒廬舍孳畜居民溺死五十二人黃通志

乙巳 仁宗洪熙元年定安黎王觀狗及樂會黎王英
作亂都揮使程昶討平之賈志

辛亥 宣宗宣德六年儋州颶風大雨晝夜不止洪水
漲溢溺死者衆蕭志

甲寅 九年瓊州大饑黃通志
壬戌 英宗正統七年秋八月辛丑瓊州有鴈集於郡

學泮池邱濬有記

瓊州府志

卷四十二

雜志 事紀

十九

戊寅 天順二年夏四月瓊州九龍見於郡西雲數色
浮之少頃下瓊山縣署儀門盡毀死一婦屍肉
分散轉東北至白沙民人吳振等家俱飄蕩時
蜻蜓隨飛者萬萬計俱同

七月十六日颶風大發毀屋拔木牛馬俱倒聲響
如雷晝夜不息賈志

辛巳 五年閏二月瓊山雨雹大如斗明史 五行志
己丑 憲宗成化五年十一月儋州地震定安大饑蕭志

丁酉 十三年翰林學士瓊山邱濬脩宋元續綱目成
郝通志

壬寅 十八年春正月十五夜崖州有物如飛虎比貓

大肉翅如蝙蝠忽自水南飛至學右赭桐上人
逐之飛宿文廟次日追捕獲之黃通志

丁未二十三年夏禮部侍郎邱濬進大學衍義補郝通志

文昌縣野蠶成繭黃通志

辛亥孝宗宏治四年冬十月以禮部尚書邱濬為文

淵閣大學士參預機務同上

甲寅七年八月邱濬加少保戶部尚書武英殿大學

士明史宰相表宰

乙卯八年二月少保大學士邱濬薨年七十六贈太

傅右柱國諡文莊黃通志

瓊州府志

卷四十二

雜志 事紀

二十一

丙辰九年八月瓊州誼洲都民詹廷縉家豕生象數

日而斃同上

戊午十一年七月儋州星流有聲如雷戴通志

十一日初昏有星自西南流於西北聲如雷蕭志

庚申十三年春大旱秋大潦漂流民屋同上

辛酉十四年秋七月儋州賊符南蛇作亂總兵毛銳

討平之郝通志

閏七月瓊州颶風潮溢平地水高七尺五行志

壬戌十五年十一月瓊州黎賊作亂罷廣東採珠孝宗

紀

癸亥十六年七月廣東官軍討黎賊敗之同上

子甲 十七年閏四月十七日城西北五色雲見經時

五月初六日颶風大作八月復作淫雨不止水

泛漲田禾俱損次年大饑蕭志

寅丙 武宗正德元年二月瓊人唐翔家寢室東產靈

芝一本冬萬州雨雪同上

巳己 四年文昌縣民良本正妻一乳三子黃通志

未辛 六年郡城西南濠清數月蕭志

亥乙 十年八月二十八日疾風自東北至瓊山溝澗

田沼水隨風捲西南方一帶平地水深三尺坡

岸俱溢東北乾涸魚蝦堆積如陵同上

卯己 十四年閏八月五色雲見於郡西明年三月又

瓊州府志

卷四十二

雜志 事紀

二十一

見初輪囷上下二結須臾升合黑雲蓋其上白

氣射之亘天黃通志

辰庚 十五年八月澄邁西隅都民曾攷有蠻石窟下

坵田連苗移置上坵田之上叠高數尺淫雨連

月九月洪水漲溢瓊澄臨定四縣房屋漂蕩人

畜溺死者千計環城民舍牆垣傾圮殆盡蕭志

午壬 世宗嘉靖元年會同縣薛廷游家產靈芝一本

同上

未癸 二年樂會地震聲響如雷民謂大軍將至奔走

數日乃定郭通志

申甲 三年二月十七夜定安地震三月初二日儋州

會同樂會同時地震樂會油譚嶺崩十餘丈七月樂會萬州大風海溢數十里志蕭萬州颶風大作雨下如注民居十僅存一舟漂陸二三里浮苴浮於木末父老謂從古未有云志郭通

酉乙 四年樂會大雨雹會同大水申請蠲免田租志蕭

戌丙 五年萬州地震

子戊 七年樂會崖州旱大饑俱同十月萬州白氣如

虹直八天河十餘夜乃散志郭通

丑己 八年六月初三日儋州大雨初四日巳時水漲城沒七尺軍民房屋財畜盡為漂流死者無算

志蕭

瓊州府志

卷四十二

雜志 事紀

二十一

辰壬 十一年七月十一日初昏儋州有星自東南流

於西北聲如雷同上十一月瓊州雷鳴是年大饑

志郭通

巳癸 十二年五月儋州五色雲見於砂鍋山志蕭十月

瓊州星隕如雨志郭通

午甲 十三年六月瓊山沙崙賊黎物式郭志佛作等聚

衆千餘攻劫營柵典史李士奇死之明彙典

熊出傷人歲饑志蕭

未乙 十四年臨高獲異獸如豕而黑有花紋自黎山

出演武場志阮通

申丙 十五年五色雲見郡城西光彩絢地志蕭

西丁 十六年瓊山白石鄉有石大如屋行數百步地

成渠轍郭志通

戊戌 十七年七月儋州五色雲見於城西蕭志

己亥 十八年有星隕於新屯村田中化為石蕭志

庚子 十九年臨高大雨雹大者如車輪小者如彈丸

壓死人畜不可勝紀郭志通 六月樂會大風雨空

中火光如炬蕭志

海南黎叛僉事商大節奉檄分哨陵水擣其巢崙

累級千餘總督上其功欽賞加俸阮志通

辛丑 二十年八月黎賊寇陵水提督侍郎蔡經安遠

侯柳珣討平之九月瓊州大風宮室圯壞草木

瓊州府志

卷四十二

雜志 事紀

二十三

摧折殆盡是歲大饑明年如期而作歲復饑郭志通

志

甲辰 二十三年定安教諭姚守轍門前產朱菌十一

莖形如車蓋鮮明燦爛蕭志

丙午 二十五年安南范子儀等寇欽廉黎岐賊寇瓊

崖相犄角總兵陳圭移文安南使縛子儀而急

出兵攻黎岐敗走之阮志通

庚戌 二十九年三月瓊州黎賊平世宗紀

瓊州五指山熟黎素畏法供徭役知州邵濬虐使

之其酋那燕遂結崖州感恩昌化諸黎為亂總

兵沈希儀偕參將武鸞俞大猷等直八五指山

斬那燕及其黨捷聞進都督同知阮通

寅丙 四十五年春二月戶部主事瓊州海瑞上疏時

事皆人所不敢言下刑部錮之郝通 冬十一月

出戶部主事海瑞於獄復其官上同

卯丁 穆宗隆慶元年三月命大理寺丞海瑞祭南海

志郭通 瓊州郡堂產靈芝志蕭

申壬 六年瓊澄定萬四州縣大饑

午壬 神宗萬曆十年四月雷擊景賢祠柱

酉乙 十三年九月大雨連旬水勢如海漂流人畜以

萬計上俱同

戌丙 十四年賑廣東瓊山饑神宗 七月初五日儋州

瓊州府志

卷四十二

雜志 事紀

二十四

五色雲見於州西德義山蕭志

亥丁 十五年秋八月南京右都御史海瑞卒贈吏部

尚書諡忠介郝通

子戊 十六年五月十四日譙樓災焚火藥匠十二人

蕭志

丑己 十七年八月儋州五色雲見於州南筆架山絢

爛奪目形如龍馬鸞鳳經晝乃散

未乙 二十三年儋州旱饑五月十八日地震經月不

止六月二十三日大雨水漲入城漂蕩民舍田

禾

申丙 二十四年澄邁潭才村生員馮成章家池生並

頭蓮

西丁 二十五年雷震澄邁學櫺星門左右柱

巳乙 三十三年五月二十八日亥時地震聲如雷官

民房舍塌倒殆盡郡城內死者數千人地裂沙

水湧出田地陷沒者不可勝紀調塘等都田沉

成海千頃次日午時復大震數日乃止

戊庚 三十八年正月十五日申時儋州有大星紅色

墜南方響如雷

亥辛 三十九年彗星見南方次年崖黎羅活等崙作

亂俱蕭志

丑癸 四十一年征崖州黎郝通志征崖州抱由羅活諸

瓊州府志

卷四十二

雜志 事紀

二十五

崙平之賈志

辰丙 四十四年七月颶風會同樂會尤甚壞屋拔樹

殆盡蕭志

巳丁 四十五年五月初二夜有星光如電自西北墜

東南是年感恩縣大雅山白鹿見

午戊 四十六年三月初四郡旱禱雨未時有雲從西

南至雨皆雹大如雞卵是年樂會颶風七作大

雨連月城市行舟

申庚 四十八年萬州東南白氣如刃月餘不息

卯丁 熹宗天啟七年九月霜降後颶風大作推屋折

木瓊人謂之鐵颶

申壬 莊烈帝崇禎五年六月臨高颶風海水漲溢

丑丁 十年樂會山中熊出無算奔突各鄉捕獲者百

餘以能火為旱徵自是頻年大旱

寅戊 十一年七月雷擊文廟石柱十一月天將曉有

紅光大如斗自北流南散為長芒者三炬光影

射聲如洪濤

未癸 十六年會同縣雨雹如斗大俱同

國朝

亥丁 順治四年二月總兵官閔可義等入瓊州百姓

郊迎安堵遂定瓊州郝通

夏五月萬州有熊入城萬州

瓊州府志

卷四十二

雜志 事紀

二十六

明千戶洪廷棟鎮撫胡永清聚眾反崖州知州干

有義招降之崖州

崖州民彭信古糾結羅活官坊諸崗黎叛知州干

有義督軍進剿不克同上

萬州叛將曹君輔糾結黎崗賊攻入城殺知州戴

綸據其城萬州

臨高縣白晝雨下如血著衣皆赤蕭

秋七月文昌賊周京等圍樂會知縣邵明俊討平

之樂會

子戊 五年春三月崖州知州于有義大戰彭信古於

抱旺村不克死之崖州

夏五月崖州大水南山崩

同上

冬海寇陳武偽號總兵據崖昌感各州縣

昌化志

己丑六年定安黎賊馬蹬根李花臉大掠瓊澄定諸

縣

定安志

辛卯八年春正月二日澄邁地震夏四月雷震澄邁

西門塔

蕭志

五月雷震府學殿前柱及縣學前柱

崖州儋州臨高大旱饑自四月不雨至明年三月

俱同上

壬長九年春二月設瓊州總兵官

郝通志

閩賊張士俊等據萬州焚劫殺掠民無噍類秋八

瓊州府志

卷四十二

雜志 事紀

二十七

月參將馬正龍統兵削平萬民始蘇

萬州志

瓊屬大饑斗米銀三兩死者不可勝紀以時遭寇

盜蹂躪田荒民耗為向來所未有

蕭志

癸巳十年春郡有五色雲見

秋七月十六日風雨交作連三晝夜瓊定二縣河

水大漲居民濡溺無數

俱同上

總兵高進庫統兵討澄邁黎賊平之

甲午十一年萬州大饑斗米銀二兩餓莩相屬於路

萬州志

崖州賊邢聖經彭信古等據州城遊擊馬可任帥

師討之聖經伏誅

崖州志

乙未 十二年奉文裁併衛所儋州所併崖州所南山
所併萬州所昌化所併清瀾所郝通志
嚴洋禁海船無號票文引及私製二桅以上大船
往外洋貿易者俱置重典同上

秋八月崖州大水山崩崖州志

丙申 十三年三月崖州石裂有聲 石在三亞港無
端崩壞聲響如雷自辰至未乃止同上

瓊山澄邁陵水洊饑連年米貴饑民輾轉溝壑知
縣周宥奉巡道林嗣環命施粥賑之蕭志

戊戌 十五年春三月海賊楊二楊三寇龍棲灣遊擊
馬可任等擊走之崖州志

瓊州府志

卷四十二

雜志 事紀

二十八

己亥 十六年春三月崖州崙黎王亞錦等叛遊擊馬
可任討降之同上

夏四月朔瓊山崖州白氣見自海濱起向北方有
光如電將入雲際聲震如雷蕭志

冬十一月叛賊彭信古黃士諤等復糾辦銃諸崙
黎作亂署中軍將姚啟章剿平之崖州志

庚子 十七年申嚴洋禁海濱雙桅沙船不許民間私
造違者視通賊律郝通志

辛丑 十八年土賊陳仔集黨劫掠村舍總兵高進庫
統兵進剿平之蕭志

壬寅 康熙元年遷沿海居民令徙內地五十里賑貧

民之不能遷者志郝通

夏四月文昌城外五十里赤坎尾坡有物如黑雲起自河中聲如雷鳴自南疾馳西北風雨隨之火光噴出所過壞屋拔木其色青蒼人以爲龍焉志文昌

秋海賊楊三大掠舖前港官兵擊走之

癸卯二年文昌大水饑海賊楊三復寇清瀾港俱同上

命屯米全徵本色順治初罷前明衛所世襲撤軍

伍尺籍設管屯官徵收屯糧本折色相半至是

全徵本色志郝通

甲辰三年裁教職各府州及大縣裁訓導小縣裁教

瓊州府志

卷四十二

雜志 事紀

二十九

諭志郝通

以策論取士至康熙八年復用四書文

秋八月裁瓊州府推官俱同上

冬十一月彗星見長亘天其色白經月乃滅志文昌

乙巳四年夏六月海賊登蜚場村劫掠官兵至乃遁

澄邁志

戊申七年春正月郡西南有白氣宵見經旬乃滅志蕭

夏五月太白晝見志文昌

己酉八年文昌地震二月二十七日三月初六日十

一月十五日凡三震同上

定安土賊王之詵等作亂知府牛天宿總兵崔世

榮命中軍丁月桂等討斬之志賈

亥辛 十年申嚴洋禁廣東福建二省嚴禁出海其餘

地方止令木筏捕魚不許小艇出海志郝通

瓊山臨高大有年志縣

子壬 十一年夏

詔選各學優等生員一人貢入監讀書志郝通

閏七月颶風凡六作二十七日尤甚官民廬舍傾

圯郡學櫺星門石柱摧折城垣塌十五丈雉堞

全墮拔木淹禾十三州縣同時被災志蕭

丑癸 十二年海賊楊二復寇舖前港被掠者數百人

志文昌

瓊州府志

卷四十二

雜志 事紀

三十一

寅甲 十三年海水溢漂沒人畜無算崖州尤甚八月

十三日十九日颶風大作是歲大饑志蕭

文昌土寇韓超等寇南邁地方縣令沈麗督兵擒

斬之志文昌

卯乙 十四年春三月瓊山地生白毛長寸餘志蕭

設瓊州水師副將於海口所志郝通

丙辰 十五年始命廣東提學道渡海考瓊州府歲科

兩試志郝通

巳丁 十六年秋九月瓊山地震星隕志蕭

黎賊那又那嘎等作亂僉事范養民督鄉兵進剿

那又那嘎皆就撫志瓊山

戊午十七年春三月白氣環日地震夏大風雨蕭志

黎賊楊鬍子等糾結海寇楊二謝昌掠海口城瓊山志

志

十二月復教職府州大縣復設訓導小縣復設教

諭郝通志

己未十八年夏六月頒

聖諭十六條到粵每月朔望有司集紳士兵民端肅宣

講

裁瓊州府通判俱同上

海寇楊二等由澄邁石礮港登岸大掠感恩昌化

圍感恩城不克感恩志

瓊州府志

卷四十二

雜志 事紀

三十一

庚申十九年夏四月瓊山地震秋大風雨蕭志

海寇楊二謝昌劫掠文昌舖前港冬十二月復寇

澄邁及沿海州縣文昌志

辛酉二十年春二月海寇楊二謝昌攻海口城據之

郡城戒嚴瓊山志

三月順德總兵官蔡璋虎門副將張諭自省城統

水師渡瓊賊大半解散餘黨遁入黎盤踞數月

始平同上

秋七月啟明星晝見地震蕭志

瓊澄文儋臨感各州縣旱饑自五月不雨至明年

二月斗米銀二兩

戊壬 二十一年春二月饑大疫作

瓊山文昌儋州感恩各州縣饑疫並行死者載道

巡道程憲知府佟湘年詳請糶賑儋州知州楊

焜捐米賑濟俱同上

癸亥 二十二年春正月巡道程憲命定安城守劉仕

等招降偽總兵曾英相一百二十人定安志

文昌民林振榮妻一乳三子文昌志

臨高縣旱自十九年至是凡四年大旱臨高志

秋七月裁分巡雷廉道歸分巡瓊州道改爲雷瓊

道郝通志

召民墾荒總督吳興祚上言海氛既靖荒土宜墾

瓊州府志

卷四十二

雜志 事紀

三十二

從之同上

冬十一月瓊山地震蕭志

甲子 二十三年二月展開洋禁以海氛永靖開復原

額魚課并許各海口貿易郝通志

秋九月

御書萬世師表匾額頒懸學宮同上

冬十一月瓊山雨雪卉木隕落榔榔枯死過半蕭志

儋州大有年州志

乙丑 二十四年夏六月瓊山澄邁儋州臨高颶風屢

作城垣屋宇傾圮蕭志 秋八月定安淫雨颶風

丙寅 二十五年秋八月澄邁火災或日一次或日二

次浹旬間民舍皆燬

俱同上

冬十月瓊山大雨文昌晝見星

文昌志

土賊楊王貴作亂城守馮應龍等討之王貴伏誅

同上

喃嘮崙黎王乾雄等寇定安樂會縣

定安志

丁卯二十六年夏四月文昌銅鼓西山港石忽自開

裂成洞深不可測

文昌志

五月望日郡西北藍氣亘天六月十一日郡有物

自城中飛出如縷如絲又一物如雞卵繫其中

俄而附屋宇俄而附樹木飛遊靈山數處不知

所之

蕭志

命嗣後歲貢免赴京廷試

郝志通

瓊州府志

卷四十二

雜志 事紀

三十三

戊辰二十七年詔養老七十以上許一丁侍養免其

雜役八十以上者給絹一疋綿一觔米一石肉

十斤九十以上者倍之百歲者給建坊銀兩

同上

己巳二十八年春正月瓊山陵水地震三月復震

蕭志

瓊屬之澄邁臨高等邑自康熙十九年至二十七

年積欠正供七萬一千九百兩有奇皆係丁逃

地荒巡撫未宏祚題請蠲免

郝志通

夏瓊州鎮總兵吳啟爵剿平喃嘮諸崙開十字大

路

賈志

冬十一月彗星見

癸酉三十三年冬十月臨高大雨三日不止城內水

深數尺

志臨高

子丙 三十五年三月十二日定安有龍見於東方黑

雲密擁泝江而上觸縣署及吏舍瓦裂桷折

志安定

志

丑丁 三十六年夏四月萬州大水城壞屋圯禾盡淹

沒歲大饑

志萬州

詔以本年歲貢作恩貢

志郝通

辰庚 三十九年頒

御製先師贊及四配贊於學宮

同上

夏四月定安城隍廟梁生花二莖形如木芙蓉月

餘始萎

志蕭

瓊州府志

卷四十二

雜志 事紀

三十四

冬十月總兵唐光堯擒黎賊王振邦磔於市

志賈

巳辛 四十年瓊山大旱饑米價昂貴副使黃國材請

開倉平糶民賴以甦

志蕭

崖州彗星見

志崖州

午壬 四十一年彗星見瓊山地震

志蕭

頒訓飭士子文於學宮

志郝通

未癸 四十二年春萬州地震

冬天雨霧下如霜著樹皆萎檳榔死者過半

志蕭

申甲 四十三年春正月文昌地震

志文昌

九月文昌有星自東南墜於西北其光燭天聲響

如雷

同上

西乙 四十四年秋臨高縣署產靈芝志臨高

戌丙 四十五年夏改提學道為學院志郝通

亥丁 四十六年春三月瓊山陵水大雨雹小者如拳

大者如盤海外罕見志蕭

冬十月瓊山明倫堂海棠放花知縣王贊有記同上

丑己 四十八年夏給老人粟帛有差志郝通

卯辛 五十年蠲免全省地丁錢糧

辰壬 五十一年以宋儒朱熹升附十哲之次

巳癸 五十二年特開

萬壽恩科鄉會試定於二月鄉試八月會試來年甲午

仍行正科其武鄉會試亦一體舉行

瓊州府志 卷四十二 雜志 事紀 三十五

詔免廣東全省地丁錢糧并各年積欠造

盛世滋生戶口册自五十年編審丁數定為常額續生

人丁永不加賦俱同上

午甲 五十三年萬州黎吳十八誘諸黎作亂官兵剿

平之志萬州

令文武鄉會願互試者聽之如不中式仍歸原册

不許再試志郝通

未乙 五十四年以宋臣范仲淹從祀位在司馬光下

申丙 五十五年廣東丁銀配入地畝徵收

酉丁 五十六年申嚴洋禁商船不許私往南洋貿易

有偷往潛留外國之人督撫大吏行知外國令

解回正法再奉

旨五十六年以前出洋之人准其載回原籍

子庚五十九年春令直省武職許入

文廟與文職一例行禮不論官職尊卑皆與焉俱同上

丑辛六十年文昌監生邢克信誘萬州黎作亂官兵

剿平之萬州志

卯癸雍正元年特開

恩科於本年四月舉行鄉試九月舉行會試十月舉行

殿試其癸卯甲辰正科改期於雍正二年廣東

廣額二十名郝通志

五月申命舉孝廉方正 恩賞老人年八十以上

瓊州府志 卷四十二 雜志 事紀 三十六

素為鄉里敬重者給與八品頂戴榮身

上諭鄰近州縣無遏糴沿海數省嚴禁運米出洋

命加 文廟祭品改啟聖祠為崇聖祠追王

至聖先師五代

辰甲二年二月命建忠義孝弟祠及節孝祠

命各省學臣舉報生員優劣

九月巡撫年希堯奏稱瓊州府屬之瓊山澄邁文

昌臨高會同樂會儋州昌化萬州陵水崖州感

恩皆海濱要地應遴選才識勝任之員保題從

之

巳乙三年裁衛所瓊州海南衛崖州所萬州所清瀾

所俱歸併附近州縣管理其童生考試亦由州
縣錄送俱同上

夏五月崖州地震七月又震蕭志

命追封 關帝祖父三代公爵春秋致祭郝志通

丙午四年崖州早知州程哲詳請平糶蕭志

御書生民未有匾額頒懸學宮郝志通

冬十月展會試期至三月

上以次年丁未會試之期遇閏二月天氣尙寒

特諭展至三月著爲例

丁未五年命直省舉行耕藉禮建立先農壇每歲仲

春亥日恭祀 先農之神禮畢有司躬耕九推

瓊州府志

卷四十二

雜志 事紀

三十七

以祈豐年重農事也

戊申六年命直省拔貢六年舉行一次

己酉七年夏四月以瓊山縣縣丞移駐海口所總督

孔毓珣奏海口城商賈絡繹烟火周密奸民易

溷請將瓊山縣丞移駐稽察從之俱同上

九月大雨崖州南山嶺抱臘嶺俱冲成渠蕭志

冬十月恭屆

萬壽聖節百官公所祝釐陵水縣生黎三百四十八人

焚香叩首歡呼萬歲郝志通

庚戌八年春三月十八日瓊州府五色祥雲見巡道

王蟠有賦總督郝玉麟奏 優詔報之見藝文

命內外洋大小商船書刻地方字號及船戶姓名
從浙江總督李衛之請也

夏五月瓊州生黎歸順督撫奏聞

恩詔薄收丁銀

見藝文詔

改雷瓊道爲海南道專轄瓊州一府並加兵備銜
分設肇高提學院以陳惠華爲之廣韶學院以鄧
鍾岳爲之

瓊州總兵官李順條奏海防三事一請督撫水師
營運生鐵砲三十位配瓊一請海口水師守備
移駐文昌舖前港一請崖州陸路營改爲水師
旋經總督郝玉麟議奏請改崖州遊擊爲參將

瓊州府志

卷四十二

雜志 事紀

三十八

從之

瓊屬崖陵昌感四州縣水土不良正雜佐貳教職
用福建台灣例調補三年量遷

俱郝志

秋八月定安颶風是月颶風五作撥木發屋傷禾

定安志

壬子十年會同縣產嘉禾

會同志

甲寅十二年夏萬州雨傷禾

萬州志

乙卯十三年歲大有斗米錢六十文

蕭志

七月二十四夜會同萬州崖州陵水同時颶風大
作田禾盡淹城垣廬舍摧毀過半

丙辰乾隆元年崖州蝗次年米貴

俱同上

丁巳 二年冬萬州天隕霜榔榔俱萎萬州志

己未 四年夏六月颶風淫雨連日不止覆溺商民船

隻無數兵民房屋多被淹倒知縣杜兆觀詳請

賑恤蕭志

辛酉 六年八月颶風大作船隻房屋多損傷瓊山縣

知縣江日暄詳奉賑恤

崖州大旱米貴知州張埕請由海船運穀平糶俱同

上

壬戌 七年春正月萬州熊入城州志 夏六月彗星見

甲子 九年春萬州大旱秋七月颶風凡三作官民廬

舍傾圮殆盡冬十一月地震俱同上

瓊州府志

卷四十二

雜志 事紀

三十九

乙丑 十年颶風作

丁卯 十二年冬十一月崖州東街火焚民房七十餘

間斃三人州志

庚午 十五年復命肇高學院程巖提督廣東全省學

政學冊

壬申 十七年秋九月萬州民黃錦章妻一乳三子是

月西門嚴姓一乳三女州志

癸酉 十八年颶風大作廟宇民房多傾圮蕭志

丙子 二十一年有年斗米錢七十文

己卯 二十四年五月十六日天雨黃著衣浣之不去

入秋人多疫俱同上

庚辰 二十五年臨高疫自二十二年至是凡四年疫癘流行人畜多斃臨高志

乙酉 三十年夏五月海口火藥局猝有聲如雷廬舍礮位輒冲飛立盡屋址凹陷

秋八月十五日午時日華旁有五色蕭志

丙戌 三十一年春三月定安黎王天成糾衆自定安

至崖州黎地焚殺客民男婦七十名總鎮甘國寶巡道王錦郡守曹槐同知宋錦督兵剿除分

別首從具題彰以國法羣黎畏服蕭志

丁亥 三十二年秋八月二十二日有龍起東方經郡

西南歸於海所過處火星相隨大樹民房多被

瓊州府志

卷四十二

雜志 事紀

四十

掃壤

同上

夏五月萬州有物大如斗紅如火自天而下墜地

聲如雷

州志

戊子 三十三年夏六月颶風大作 文廟城樓俱爲

摧倒民房傷毀甚多白沙港內船傷百餘隻

秋七月二十二日午時慶雲見於郡城東南同上

己丑 三十四年瓊儋臨各屬歲歉米價昂貴蕭志

庚寅 三十五年夏六月萬州颶風大水秋蟲食禾苗

萬州志

海寇犯萬州萬陵市官兵追捕不及

辛卯 三十六年萬州淫雨自五月至九月雨乃止禾

盡淹無收州志

壬辰 三十七年冬十月初六日大水蕭志

乙未 四十年夏五月初四日黃昏有星大如鶩卵自

西北徑飛東南其光燭地瓊山探訪冊

戊戌 四十三年春澄邁會同饑知縣歐陽嶙開倉糶

賑縣志

辛丑 四十六年秋七月崖州彗星見冬十二月崖州

官坊村黎作亂殺樂安巡檢黃彬總督巴延三

等督兵剿捕獲其渠魁斬於市餘黨悉平州志

戊申 五十三年夏瓊定會樂崖大旱秋瓊山萬州臨

高淫雨大水探訪冊

瓊州府志

卷四十二

雜志 事紀

四十一

己酉 五十四年瓊澄定萬崖五州縣大饑道府大憲

在郡城賑濟知崖州劉欽和開倉平糶詳奉免

徵同上

庚戌 五十五年會同臨高大探訪冊

秋七月海賊寇崖州沿海村市參將錢邦彥與賊

戰於瑯瑯港死之崖州志

乙卯 六十年夏六月澄邁大雨水縣志

昌化大水冲決東西北岸兩都田青石嶺崩探訪冊

丙辰 嘉慶元年萬州大有年

己未 四年夏四月郡城大水樂會大雨雹同上

癸亥 八年崖州黎亂州東黎人韋那硬等嘯聚焚劫

東西廂諸村殺人以千計督憲檄知府焦和生及總鎮徐 等統兵進剿守備沈如學奮勇

深入擒韋那硬斬於市餘黨悉平州草志

甲子九年春萬州守備陳明亮率兵剿崖州黎獲其

渠魁十三人戮於市採訪册

定安縣學宮正殿有光燦爛如火人以爲文明之

瑞定安志

己巳十四年秋八月海賊烏石二等登石礮港肆劫

郡將徐升擊走之採訪册

庚午十五年春三月烏石二等復由石礮港入寇又

寇東水各村總兵官馬正國拒之乃遁

瓊州府志

卷四十二

雜志 事紀

四十二一

五月總督百齡督師擒獲海賊烏石二等磔之海

氛悉靖

辛未十六年九月彗星見月餘乃滅俱同上

丙子二十一年冬十二月朔崖州地震州草志

崖州東黎焚劫辣草村知府史祐遊擊馬天益督

兵撫平之

丁丑二十二年冬十月崖州青氣見自南至北久之

乃散參將杜茂達把總張蕭漢巡哨至三亞港

颶風大作舟覆官兵俱溺死俱同上

戊寅二十三年夏秋間澄定會樂萬各州縣屢遭颶

風八月初三日十八日颶更甚有火星隨飛拔

木壞屋海水漲溢人民溺死俗謂之掃地颶道
府委員賑濟萬州志

巳辛道光元年春二月萬州大雨雹同上

瓊山萬州樂會大疫探訪冊

午壬二年秋八月萬州地震冬十月大水萬州志

未癸三年冬十二月崖州大雨雹大者如斗小者如

拳黃流赤嶺賴元諸村廬舍多擊毀初雹堆積

如山俄而化大水冲決村田無算州草志

申甲四年夏四月星入月宮郡屬旱蟲大饑 自三

年九月至四年八月郡屬久遭旱災蝗蟲漫天

遍野所過禾麥一空餓莩載道鬻男女渡海者

瓊州府志

卷四十二

雜志 事紀

四十二

以萬計巡道周鳴鑾給照令商民各處糴米來

濟知瓊山縣于學質開倉平糶九月後米價漸

平探訪冊

丑己九年夏五月崖州彗星見州草志

冬十二月崖州黎黎亞言亂聚衆焚劫知府普祥

同副將鄧旋啟諭撫之賊漸解散

寅庚十年崖州黎張紅鬚韋色榮等作亂昌感儋定

臨諸黎皆應之總督李鴻賓及提督劉榮慶副

將鄧旋啟等調兵分道進剿平之同上

辰壬十二年秋九月署崖州水師守備黃仕揚巡洋

獲賊馮生疔痣朱亞二等斬之 初虎門人馮

生疔瘖結楊就富等賊船三十餘艘據甲洲東
洋口島爲亂九月二十一日賊駛三船潛入三
亞港適守備黃仕揚巡海遇之督率師船並集
民船圍擊賊以死戰官兵多有傷者仕揚奮勇
當先擊覆賊船賊死無算生擒朱亞二劉口三
等解省正法採訪冊

癸巳

十三年三月儋州薄沙崗黎作亂知州

擊塔魯等討平之

甲午

十四年秋八月瓊山文昌地震

丙申

十六年三月雨雹

秋嘉禾生瓊山儋州禾一莖生雙穗或三穗四穗

瓊州府志

卷四十二

雜志 事紀

四十四

者是歲晚稻豐登

採訪冊